



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Svspensio.

urn:nbn:de:hbz:466:1-30427

ut signa vana, & vacua, & sic pertinet ad pacta signationum cum demonibus inita, sicque superstitiosa sunt. Corpora naturalia ex suis formis naturaliter agunt, non autem artificia: ideo non possunt naturalem virtutem habere ad agendum, neque ex impressione virtutum celestium, in quantum sunt artificia, sortiuntur virtutem aliquam. Ex quo patet, quod qui facit anulum sub tali constellatione, ut valeat ad malum caducum, vel huiusmodi, vel imprimit imaginem in lapide sub tali signo, nil naturale recipit, ut aliquid efficere valeat: ergo in aliquod spirituale est reducendum hoc non in Deum, vel Angelos bonos: quia ad huiusmodi auxilium hoc modo non prestant, ergo ad demones, & sic apparet huiusmodi superstitiosa esse. Vide supra, Divinatio, per totum. Incantatio, per totum. Ars, §. 2. & ita tene ut sis securus.

SVSPENSIO.

Suspensio est censura ecclesiastica nominat, & est inhabilitas ad executionem ordinum, officiorum, vel iurisdictionis, ex aliquo impedimento proveniens, ex institutione ecclesie habens robur, & est magis poena quam culpa. gl. in ca. ad reprimendam. de offi. ord. in cle. de poenis. cupientes. Et quantum non sit culpa, tantum communiter propter peccatum incurritur, nec est necesse, quod sit peccatum mortale semper, sicut de maiori excommunicatione, sed etiam pro veniali potest incurri, sicut excommunicatio minor: ut probat Caieta. in summa ibi. Et licet suspensio tangat clericos communiter, quandoque tamen & laici suspenduntur ab aliquo actu, ut aduocati ab actu aduocandi, & similiter quandoque alij.

Suspensio una minor dicitur, qua quis dicitur suspensus quoad se, & incurritur primo per quodcumque mortale peccatum, in quo quis existens antequam poeniteat, est suspensus a participatione omnium sacramentorum, ea quae sunt de cohabitatione clericorum, & si exerceat executionem alicuius or-

dinis sollemniter, id est, quasi utens officio suo, mortaliter peccat: quia officium suum indigne facit, & ministrum ecclesie indigne se exhibet, & toties quoties facit, etiam tangendo via sacra, & alia, quasi officio suo utens, nisi in casu necessitatis, in quo etiam laico licet hoc, ut levare corpus Christi de luto, vel baptizare in articulo necessitatis, & huiusmodi: & a talibus quando sustinentur ab ecclesia, recipere sacramenta a subditis in necessitate licet: extra vero necessitatem recipere non est tutum, neque inducere tales ad executionem sui ordinis: secundum Thomam 4. sent. d. 24. qu. 1. a. 3. quol. 5. ad 3. & ad 4. secundum tamen Petrum de pal. non peccat, quia est licitum: nec talis inducens peccat, quia utitur iure suo. Secundum hoc efficitur quis suspensus quoad se, per minorem excommunicationem: quia etiam ista separat a participatione, ut supra dictum est. Excommunicatio, §. 5. tamen suspensus his duobus modis supra dictis, si celebrat, non efficitur irregularis, c. si celebrat de cle. excom. nec talis ab alijs subditis debet vitari, etiam quod eius peccatum sciant. c. nostra. de coha. cle. & mulie.

Secunda suspensio est, qua quis suspensus est quoad alios, & non quoad se, & hęc proprie non potest suspensio. Hac ligantur clerici peregrini, qui non possunt celebrare publice, nisi prius fecerint fidem de eorum ordinatione, in c. de cler. peregr. Possunt tamen secretim celebrare. c. 3. de cler. peregr. & si publice celebrant, non propter hoc sunt irregulares: secundum Pan. in d. c. si celebrat.

Tertia dicitur maior suspensio, & appellatione suspensionis in genere de hac intelligitur. art. in cap. si quem. de sent. excom. De hac data est definitio in principio, & est censura ecclesiastica, sicut interdictum. c. quatenus de verb. sig. Quando quis est suspensus ab ordine tantum, non potest ea, quae sunt ordinis: potest tamen ea, quae sunt iurisdictionis, & e contra, si est suspensus a iurisdictione, & non ab ordine. Si

autem ab utroque, neutrum potest. Nam suspensio secundum Pa. in c. Apostolicar. de except. operatur ad limites suspensionis. Concord. Thom. 4. sent. d. 18. q. 2. a. 2. quol. 3. & Pan. in d. cap. Apostolicar. de except. Suspenditur ab officio, & beneficio, non potest agere nomine proprio, tanquam beneficiarius, pro iuribus ipsius beneficii, & suspensus à beneficio non debet habere redditus beneficii, modicam tamen sustentationem habere poterit, si non habet unde aliter viuatur: secundum Pan. in dict. cap. Apostolicar. sed cum nulliter, vel iniuste est suspensus, debet recuperare fructus: secus quando est iusta: secundum Felin. in dict. cap. Apostolicar. Neque propter suspensionem quis beneficium amittit, nisi lex hoc exprimat. Et nulla suspensio causat irregularitatem, si suspensus celebrat, nisi sit à diuini suspensus: secundum Felin. supra, non enim in iure expressum inuenitur.

5 SVSPENSVS à beneficio potest eligere: secundum Pan. ibi supra, quia ius eligendi annexum ordini, seu officio, à quibus non est suspensus. Eligi autem in ecclesia, in qua est suspensus non potest. Alia, quæ pertinet ad officium, poterit exercere, siue spiritalia, siue temporalia: quia ab eo non est suspensus.

6 SVSPENSVS ab officio tantum, non potest eligere, nec eligi, nec alia, quæ spectant ad ordines. Potest autem ea, quæ pertinent ad beneficia, ut prosequi iura beneficii, nisi taliter sit suspensus ab officio, ut trahatur ad beneficium: ut in glo. Cle. cupientes. de poen. §. verò nouam.

7 SVSPENSVS minori suspensione, quæ infligitur propter participationem cum excommunicato, non priuatur facultate exercendi iurisdictionalia, & eligendi, sed solum participatione passiuæ sacramentorum, & propter hunc effectum non potest eligi. Est tex. in c. si celebrat, de cler. excom. ministr.

8 Cui interdictus est ecclesiarum ingressus, non potest exercere ordinem in ecclesia, in qua, si celebrat, efficitur irre-

gularis. cap. is cui. li. 6. de sent. excom. non autem si extra ecclesiam celebrat, nec propter hunc interdictum priuatur facultate exercendi iurisdictionalia, & eligendi: c. sacro. de sent. exco. & de recept. ab excommunicato. Non enim ultra suos limites cum sit poena, extendi debet, ut supra dictum est.

9 EPISCOPVS suspensus à pontificalibus, solum est suspensus ab illis, quæ dependent ab ordine pontificali, & non ab alijs: sec. Ioan. And. in c. 1. de sent. exco. li. 6. quia sunt separata iurisdictionalia ab his, quæ sunt ordinis Episcopalis. c. aqua. de consec. & alt.

10 SVSPENSVS à sententia canonis vel hominis, tenetur abstinere ab officio, etiam post contritionem, & confessionem, quousque ab officijs suis relaxata fuerit sententia, alijs à diuinis, vel officio, vel celebratione suspensus, & huiusmodi, si contrafaciat, mortaliter peccat, & efficitur irregularis: secundum Innoc. in cap. xxi. de reg. iur. lib. 6. si extra ecclesiam dicat horas: secundum eundem Innoc. ubi supra, officiando populum, sicut in exercitu, sit irregularis: secus si officiando dicat cum vno, vel duobus, & alij tenentur vitare eum, cum dicit officium officiando, vel celebrat: secundum Veruer.

11 SVSPENSVS ab officio absolute, & non per dictionem tantum, ab homine, vel à iure, propter crimen grave intelligitur etiam suspensus à beneficio. c. eos. & c. qui sacerdotum. 18. d. secus si propter infamiam, vel contumaciam, vel crimen leue: secundum Gaspar. de Cald. in d. clem. cupientes. sed si suspensus à beneficio solum, non est suspensus ab officio: quia officium non est accessorium ad beneficium, sed e converso. Si est suspensus ab utroque per copulam, & est clarum. Si per disiunctiuam, vel videlicet ab officio, vel beneficio, sententia propter incertitudinem non tenet: secundum Gof. Innoc. verò dicit simpliciter, quod suspensus ab officio solum, non debet percipere fructus beneficii. per c. pasto. talis. de appel.

12 CUM minora interdiciuntur, intelliguntur interdicta maiora, unde suspensus ab subdiaconatu, est suspensus ab alijs ordinibus superioribus, sed non e contra. c. significauit. de corpo. vit. hæc enim se habent ad consequentiam. c. cum illorum. de sent. excom. qui enim non potest cantare epistolam, nec euangelium, sed non e contra.

13 SUSPENSUS ab officio non simpliciter, sed secundum quid, non fit irregularis, si in alio officio agat ab eo a quo est suspensus, ut si a collatione ordinum suspensus est, & omnia alia præter ordinem agat, nullam incurrat poenam secundum Petrum supra.

14 SUSPENSUS ab officio, & consequenter a beneficio quod est propter officium, tunc perinde est, ac si esset suspensus ab utroque, & in utroque casu, si se ingerat diuinis, est irregularis, secundum Petrum de Palu. 4. sent. d. 18. q. 3. & c. 1. de sent. & re iudic. lib. 6.

15 SUSPENSUS ab officio prædicationis, licet prædicando & celebrando peccet, non tamen efficitur irregularis secundum Petrum de Palu. 4. sent. d. 18. q. 3. & c. 1. de sent. & re iudic. lib. 6. Suspendus ab aliquo officio annexo alicui ordini. Suspendus vero a canone propter defectum corporalem, ob quem quis promoueri prohibetur (ut supra corpore vitati) si talis promouetur, & celebret, mortaliter quidem peccat, non tamen irregularis fit, secundum Panorm. in d. c. si celebrat.

16 SUSPENSIONES multe sunt in iure, quas enarrare longum esset, adducam tamen loca in quibus habetur, ut qui voluerint inuenire valeant. Prima habetur in c. vlt. 18. d. Secunda, in c. nullus. d. 55. Tertia, in ca. 1. & 2. d. 74. Quarta, in c. nullus. d. 32. & c. sciscitatus. 15. q. 8. Quinta, in ca. si. d. 50. Sexta, in ca. nihil. de elec. Septima, de ordinatis diuersimodè supra, ordo. 5. 16. in v. irregularitas. 5. 8. Nonna, de ver. signi. ca. olim. Decima, de cle. pug. in duel. ca. 1. Undecima, de elec. c. pronida. Duodecima, de excess. prælat. c. tanta. Tertiadecima, de sententia excommunicatio. c. sacro. Quartadecima, in c. medicinalis. de sententia excommuni-

catio. in 6. Quintadecima, de electio in 6. c. quia sapē. & c. statutum. de elec. Sextadecima, de offic. dele in 6. c. hæc constitutione. Decima septima de reb. eccl. non alie. in 6. c. cōsultissimo. Decima octaua, de sent. & re iud. in 6. c. cū æterni. Decimanona, de of. ord. in 6. c. præfenti. Vigesima, de cen. in 6. ca. exegit. Vigesima prima, de vsu. c. quanquā & c. vsurarū. in 6. Vigesima secunda, de priuil. lib. 6. c. episcoporum. de sent. excom. is cui. in 6. Vigesima tertia, in 6. de elec. c. statumimus. c. cōpromissarius. Vigesima quarta, de elect. c. cupientes. Vigesima quinta, de elect. in 6. c. cōpromissarius. Vigesima sexta, de sent. excom. in 6. c. solet. Vigesima septima, de reg. iur. in 6. c. non solum. c. constitutionē. Vigesima octaua, in cle. quoniam de vit. & hon. cle. Vigesima nona, in cle. 1. de re. eccl. non alie. Trigesima, in cle. religiosi. de deci. Trigesima prima, in cle. cupientes. de poen. Trigesima secunda, in cle. 1. de stat. mo. Trigesima tertia, in cle. cū sit de magistr. Trigesima quarta, in cle. multorum. de hæreti. Trigesima quinta, in cle. religiosi. de priuil. Trigesima sexta, de vsu. c. quia in omnibus. Trigesima septima, per Cle. V. in priuilegio, Prouidentia. Trigesima octaua, per Cle. 1111. in priuilegio. Paupertati. Trigesima nona, de simo. c. rata. De his autem in diuersis locis dictum est, ut in ver. simonia. 5. 52. Clericus. Religiosus. Ideo superfluum videtur replicare, quæ in alijs locis dicta fuere.

17 SUSPENSIO etiam potest fieri ab homine, nam qui potest cogere per cēsuram ecclesiasticā, potest suspendere, excommunicare, & interdicare, quia hæc tria veniunt nomine censuræ. c. quarenti. de verbo. signi. & qui potest excommunicare, potest etiā suspendere, & e contra, qui potest excommunicari, potest suspendi, & interdici, & debet fieri in scriptis monitione præmissa. Sicut excommunicatio, ut patet in ca. de sent. excom. in 6. Ista enim tria sunt paria, secundum Panorm. in c. reprehensibilis. de appell. Limitat tamen Panorm. secundum vnum dictū Ioh. in ca. 1. de excess. prælat. quod suspensio requirit monitionē,

quando infertur propter contumaciam, non autem si feratur in penam delicti commissi, quia tunc frustra fieret monitio, cum oportet eum luere penam commissi delicti. Sæpe namque propter delictum fertur suspensio, ut in c. tam literis. de testamen. nō autem sic de excommunicatione, quæ nunquam fertur pro delicto, sed pro contumacia: quia quāvis quis vult satisfacere, debet relaxari, canon, nemo. 11. q. 3. & c. illud. & pro corroboratio ne huius dicti, potest adduci, Romana. de sent. excom. in 6. §. sed nec in specie. ubi solum prohibetur excommunicationem fieri sine monitione, quasi secus censetur de suspensione, & interdicto, in alijs autem eodem modo fertur, quo & excommunicatio, scilicet in scriptis continentibus causam, cum traditione copiarum si petatur. in d. c. 1. de sent. excom. in 6. & non fiat sub conditione, quia non ligat nisi veniente conditione.

¹² **N V L L V S** Episcopus, vel superior incurrit sententias suspensionis, vel interdicti impositas à iure, vel iudice, nisi de eis fiat specialis, & expressa mentio. in 6. de sent. excom. c. quia periculum.

¹³ **S V S P E N S I O** non tollitur per sequentem appellationem, licet suspendatur per præcedentem, sicut de excommunicatione, secundum Pan. in ca. pastoralis, & c. ad hæc. de appel. suprā, & excommunicatio. circa fin. In temporalibus autem secus esset, si appellatio esset legitima, secundum limitationem Pan. & l. non tantum. ff. de appell. Ut si quis ab ingressu talis domus suspendatur, vel à perceptione fructuum, quia ista temporalia sunt.

¹⁴ **R E G V L A** generalis est, quod quando aliquis est suspensus à iudice, vel à iure, ab aliquo actu spirituali alienius ordinis, scilicet sacri, siue principaliter, siue per consequentiam, siue exequatur illum actum, sit irregularis: aliis si facit contra aliquam suspensionem, non sit irregularis, sed aliter puniatur. c. 1. de sent. & re iudica. in 6.

¹⁵ **Q V A N D O** in sententia suspensionis à iure, vel ab homine dicitur, do-

nec satisfecerit, vel pœniterit, adveniente conditione, ipso facto est absolutus, & non indiget alia relaxatione, sicut excommunicatio, & interdictum, & in hoc ab ipsis differt. Pan. in c. cū tu de vsur. in c. nobis. de post. tam in text. quā in gloss.

¹⁶ **S V S P E N S I O** simpliciter à iure, potest ab Episcopo absolui, nisi canonis conditor sibi reseruet. c. nuper. de sent. excom. & nisi sit inflata propter peccatum, à quo nō potest dispensare Episcopus, secun. Pan. in c. quorundā, de solu. quia pœna propter delictū posita, intelligitur perpetua. Si autē propter contumaciam esset posita, posset absolui. Si verō est ab homine, absoluet qui eam tulit, vel superior, ut de excommunicatione dicitur. 24. q. 1. cap. si Petrus. & absolutio fiet solo verbo, ut dicendo reuoco, vel remoueo, vel absoluo à tali sententia: qui nō habet propriam formam.

¹⁷ **C L E R I C I**, vel regulares suspensi propter exhibitionem sacramentorum hæreticis, aut propter receptionem elemosinarum, vel oblationum ab eis, vel propter traditionem dictorum hæreticorum ecclesiastica sepultura, sunt priuati officio ab eorum ordinarijs. excommunicamus. de hæret. nō possunt tales restitui à suspensore. Similiter suspensas à collatione beneficiorum per cōcilium, post primā, & secundā monitionem, inuento culpabili in conferendo beneficia indignis. de præben. e. graue. Similiter dic. de degradato, ut in c. ex tua. de cler. non resid. hæc Pape communiter reseruantur.

¹⁸ **O M N E S** sententiæ suspensionis latæ per quoscunque, prælatos contra fratres prædicatores, & contra eorum priuilegia, sunt ipso facto irritæ. Alexand. in priuilegio, Meritis vestris. & etiam contra alios, occasione ipsorum tractum. Alexand. in priuilegio, Nominis in qua. Magister ordinis, priores, & eorum vicarij, in locis & cōuentibus sibi subiectis, fratribus sibi subditis, & ad eorū vndique declinantibus interdum eius ordinis possunt absolui à suspensione, excommunicatione, & pœna interdicti.